

KQZ
U PROTOKOLLUA
NR/148 PROT
DATE / 13.8.18 /



ALB-AUDIT

ALB-AUDIT sh.p.k
Rr. EMIN DURAKU
Nd.2, H.6 , Ap.10
Njësia Bashkiane Nr.6 , Kodl Poslar 1019
TIRANE
NIPT : L 01417011 K
Tel/fax +35542251744 , Cel . 0692042251
Email:albaudit@gmail.com :sufal@yahoo.com

RAPORT I AUDITUESIT TË PAVARUR

Për Komisionin Qëndror të Zgjedhjeve
Rruja "Ibrahim Rrugova", Nr. 4, Tiranë, Shqipëri

I. Raport mbi Auditimin e Pasqyrave Financiare 2017

Opioni pa rezervë

Në përbushje të kushteve të angazhimit me Komisionin Qëndror të Zgjedhjeve (pala angazhuese), ne kemi audituar pasqyrat financiare të Partisë "Aleanca per Demokraci dhe Solidaritet" (pala përgjegjëse), të cilat përfshijnë pasqyrën e pozicionit financier me datën 31 Dhjetor 2017, pasqyrën e aktiviteteve dhe pasqyrën e flukseve të parassë për vitin që mbyllte me këtë datë, si edhe shënimet për pasqyrat financiare, përfshirë një përbledhje të politikave kontabël më të rëndësishme.

Sipas opinionit tonë, pasqyrat financiare bashkëlidhur paraqesin drejt, në të gjitha aspektet materiale, pozicionin financier të Partisë " Aleanca per Demokraci dhe Solidaritet" më datën 31 Dhjetor 2017, dhe performancën financiare dhe flukset e parassë për vitin që mbyllte në këtë datë, në përpunje me Standardin Kombëtar të Kontabilitetit për Organizatat jo-Fitimprurese (SKK-të për OJF-të).

Baza për opinionin pa rezervë

Ne e kryem auditimin tonë në përputhje me Standardet Ndërkombëtare të Auditimit (SNA-të). Përgjegjësitë tona sipas këtyre standardeve janë përshkruar në mënyrë më të detajuar në seksionin e raportit ku jepen Përgjegjësitë e Audituesit për Pasqyrat Financiare. Ne jemi të pavarur nga subjekti partia "Aleanca per Demokraci dhe Solidaritet" në përputhje me kërkesat etike që janë të zbatueshme për auditimin e pasqyrave financiare në Shqipëri, dhe kemi përbushur përgjegjësitë e tjera etike në përputhje me këto kërkesa. Ne besojmë se evidenca e auditimit që kemi siguruar është e mjaftueshme dhe e përshtatshme për të dhënë një bazë për opinionin tonë.

Përgjegjësitë e Drejtimit dhe të Personave të Ngarkuar me Financat e Partisë në lidhje me Pasqyrat Financiare

Drejtimi dhe të personat e ngarkuar me financat e Partisë janë përgjegjës për përgatitjen e pasqyrave financiare në përputhje me Standardin Kombëtar të Kontabilitetit për Organizatat jo-Fitimprurese (SKK-të për OJF-të), dhe për ato kontolle të brendshme që drejtimi i gjykon të nevojshme për të bërë të mundur përgatitjen e pasqyrave financiare që nuk përbajnë anomali materiale, qoftë për shkak të mashtimit apo gabimit.

Drejtimi është gjithashtu përgjegjës për të zhvilluar aktivitetin ekonomik dhe finansiar të Partisë në përputhje me kërkesat specifike të ligjit nr. 8580, datë 17.2.2000 "Për Partitë Politike" i ndryshuar dhe me udhëzimet e Komisionit Qëndror të Zgjedhjeve.

Ata që janë të ngarkuar me financat e partisë janë përgjegjës për mbikëqyrjen e procesit të raportimit finansiar të Partisë.

Përgjegjësitë e Audituesit për Auditimin e Pasqyrave Financiare

Objektivat tona janë që të arrijmë një siguri të arësyeshme lidhur me faktin nëse pasqyrat financiare në tërësi nuk kanë anomali materiale, për shkak mashtimit apo gabimit, dhe të lëshojmë një raport auditimi që përfshin opinionin tonë. Siguria e arësyeshme është një siguri e nivelit të lartë, por nuk një është garanci që një auditim i kryer sipas SNA-ve do të identifikojë gjithmonë një anomali materiale kur ajo ekziston. Anomalitë mund të vijnë si rezultat i gabimit ose i mashtimit dhe konsiderohen materiale nëse, individualisht ose të marra së bashku, pritet që në mënyrë të arësyeshme të influencojnë vendimet ekonomike të përdoruesve, të marra bazuar në këto pasqyra financiare.

II. Raport mbi Kërkesa të Tjera Ligjore dhe Rregullatore

Ky seksion i raportit trajton përgjegjësitë e tjera të raportimit në raportin e audituesit mbi pasqyrën financiare, përveç përgjegjësive të audituesit sipas SNA-ve.

Këto përgjegjësi të tjera raportuese burojnë nga termat e kontratës, në të cilën Komisioni Qëndror i Zgjedhjeve (KQZ-ja) si organi përgjegjës për monitorimin dhe mbikëqyrjen e financimit të partive kërkon opinionin tonë edhe për përputhshmërinë e veprimeve ekonomike dhe financiare që lidhen me kërkesat specifike të ligjit nr. 8580, datë 17.2.2000, "Për Partitë Politike", i ndryshuar dhe udhëzimet e KQZ-së, si burimet e financimit, procedurat e marrjes së donacioneve jopublike, dokumentimit dhe të regjistrimit të tyre, identifikimin e dhuruesve, publikimin e tyre, etj.

Bazuar në auditimin tonë, në vijim po ju paraqesim informacionet, gjetjet dhe konstatimet e arrituara për veprimet ekonomike dhe financiare që kanë rregullime dhe kufizime ligjore dhe opinionin për përputhshmerine e tyre me këto kërkesa.

Si person juridik, Partia "Aleanca per Demokraci dhe Solidaritet" është e regjistruar në sistemin tatimor me NIPT-in L71729451K dhe ka bërë deklarimet e duhura sipas përgjegjësive tatimore dhe aktivitetit që ka kryer. Gjithashtu ajo ka plotësuar detyrimet ndaj KQZ-së për raportim e shpenzimeve dhe të ardhurave të fushates zgjedhore dhe të pasqyrave financiare vjetore 2017.

Nga verifikimet rezultoi se gjate periudhes raportuese 2017 subjekti politik ka realizuar të ardhura(hyrje) nga burimet dhe në shumat e treguara në tabelën vijuese:

Nr	Përshtkimi i Elementeve	Viti Raportues	Viti Paraardhës
		31.12.2017	31.12.2016
	Të ardhurat-Lekë	Të ardhurat-Lekë	
1	Të ardhurat	-	-
	Të ardhura nga tarifat e antarësimit	-	-
2	Të ardhura nga donacionet dhe kontributet vullnetare	-	-
	Të ardhura nga grantet qeveritare apo nga agjenci të	-	-
3	tjera të financimit	118.646	-
	Shuma	118.646	

Ne zerin "Të ardhura nga tarifat e antarësimit", nuk konstatohet te ardhura.

Ne zerin “Të ardhura nga donacionet dhe kontributet vullnetare”, nuk konstatohen te ardhura.

Subjekti politik ka siguruar gjithashtu të ardhura nga buxheti i shtetit në shumat e paraqituara në zërin “Të ardhura nga grantet qeveritare apo nga agjenci të tjera të financimit”. Në këtë shumë janë përfshirë të gjitha financimet buxhetore të marra nga 1 Janari deri në 31 Dhjetor 2017 për shumen 118.646 lekë.

Nuk u evidentuan të ardhura të tjera, në para apo natyrë, apo informacione të tjera që lidhen me kerkesa dhe kufizime ligjore, në dokumentat kontabël dhe pasqyrat financiare të paraqitura nga drejtimi finansiar i partisë.

Në përfundim të verifikimeve dhe informacioneve të marra, në reference me kërkesat, kufizimet dhe detyrimet e ligjit “Për Partitë Politike”, i ndryshuar dhe udhëzimet e KQZ-së, për çështjet që gjejnë zbatim ju paraqesim opinionin tonë si vijon:


- Burimet e financimit të aktivitetit politik të Partisë ”Aleanca per Demokraci dhe Solidaritet” për periudhën raportuese 2017, kanë ardhur vetem nga buxheti i shtetit. Të ardhurat realizuara dhe të deklaruara janë në përpunje me burimet e lejuara nga ligji ”Për Partitë Politike” i ndryshuar.

Një përshkrim më i detajuar i përgjegjësive të audituesit për auditimin e pasqyrave financiare mund të gjendet në shtojcën bashkangjitur raportit. Ky përshkrim është pjesë përbërëse e raportit tonë të auditimit.

ALB-AUDIT sh.p.k

Hetem Sulaj

Ortaku Kryesor i Auditimit



Tiranë, më 25 Korrik 2018

Shtojcë e raportit të audituesit

Përgjegjësitë e Audituesit për Pasqyrat Financiare

Si pjesë e auditimit në përputhje me SNA-të, ne ushtrojmë gjykimin profesional dhe ruajmë skepticizmin profesional gjatë gjithë auditimit. Ne gjithashtu:

- Identifikojmë dhe vlerësojmë rreziqet e anomaliave materiale, qoftë për shkak të mashtrimit ose gabimit, hartojmë dhe kryejmë procedurat e auditimit në përgjigje të këtyre rreziqeve, dhe marrim evidencën e auditimi që është e mjaftueshme dhe e përshtatshme për të siguruar një bazë për opinionin tonë. Rreziku i mosbulimit të një anomalie materiale si rezultat i mashtrimit është më i lartë se rreziku si rezultat i gabimit, sepse mashtrimi mund të përfshijë marrëveshje të fshehta, falsifikime, përjashtime të qëllimshme, informacione të deformuara, anashkalime të kontrolleve të brendshme.
- Sigurojmë një njohje të kontrollit të brendshëm që ka të bëjë me auditimin, me qëllim që të përcaktojmë procedurat e auditimit që janë të përshtatshme sipas rrethanave, por jo për qëllime të shprehjes së një opinioni mbi efikasitetin e kontrollit të brendshëm të Partisë.
- Vlerësojmë përshtatshmérinë e politikave kontabël të përdorura dhe arsyeshmérinë e çmuarjeve kontabël dhe të shpjegimeve përkatëse të bëra nga drejtimi.
- Nxjerrim një konkluzion në lidhje me përshtatshmérinë e përdorimit të bazës kontabël të vijimësisë, dhe bazuar në evidencën e auditimit të marrë, nëse ka një pasiguri materiale në lidhje me ngjarjet ose kushtet, e cila mund të hedhë dyshime të mëdha për astesinë e Partisë për të vijuar veprimtarinë. Nëse ne arrijmë në përfundimin që ka një pasiguri ne duhet të tërheqim vëmendjen në raportin e audituesit në lidhje me shpjegimet e dhëna në pasqyrat financiare, ose nëse këto shpjegime janë të papërshtatshme, duhet të modifikojmë opinionin tonë. Konkluzionet tona bazohen në evidencën e auditimit të marrë deri në datën e raportit tonë, dhe gjithashtu në percaktimet ligjore te fushes ku vepron subjekti politik.
- Vlerësojmë paraqitjen e përgjithshme, strukturën dhe përbajtjen e pasqyrave financiare, përfshirë informacionet shpjeguese të dhëna, dhe nëse pasqyrat

financiare paraqesin transaksionet dhe ngjarjet në to në një mënyrë që arrin paraqitjen e drejtë.

Ne komunikojmë me personat e ngarkuar me qeverisjen, përveç të tjerave, lidhur me qëllimin dhe kohën e auditimit dhe gjetjet e rëndësishme të auditimit, përfshirë ndonjë mangësi të rëndësishme në kontrollin e brendshëm që ne mund të identifikojmë gjatë auditimit.